

Inatsisartut aalajangiivissaattut siunnersuut Naalakkersuisut pisussaatinneqassasut UP2013-imut nassuiaasiussasut, takussutissiorlugu inuit qanoq amerlatigisut kalaallit sulisinnaasortarinerat Europap avannaamioqatigiivisa sulisinnaasuinik taaneqarsinnaanngitsut suliffiillu suut sulisinnaasut taakku tigujumasarneraat. Nassuiaammi aamma takussutissiorneqassapput suliffimmini atorfimminnilu qanoq atugassaqartitaanersut suliffissallu taamaattut inooqatigiinnermi nikanarnerusutut isigineqalersitsisarnersut. Nassuiaammi naggasiunneqassaaq pitsaanerulersitsisinaanermut sunik kaammattuutissaqarnersut.
(Inatsisartunut ilaasortaq, Akitsinguaq Olsen, Siumut)

Akissuteqaat

(Inuussutissarsiornermut Aatsitassarsiornermullu Naalakkersuisoq)

Aappassaaneerera

Inuussutissarsiornermut Ataatsimiititaliap aalajangernissamut siunnersuusiap sukumiiusumik sularineqarsimaneranut qujanaq.

Ataatsimiititaliap kissaateqaatigaa Naalakkersuisut UPA2013 nalunaarusiussasut sulisartut Europap avannaamioqatigiivisa sulisinnaasuinik taaneqarsinnaanngitsut Kalaallit Nunaaniittut pillugit takussutissiorneqassallunillu suliffimmini atorfimminnilu qanoq atugassaqartitaanersut.

Inuussutissarsiornermut Ataatsimiititaliap kissaatigaattaq nalunaarusiap ilagissagaa pisariaqartinneqassappat nutaamik inatsisiliortoqarnissaanik siunnersuusiutaasinnaasut, apequtaalluni nalunaarusiami qanoq inerniliisoqarsimansoq.

Naalakkersuisut assut pingaartippaat sulisartut nunanit allaneersut qaanoq amerlatiginersut, taakkunungalul sulinermut atugassarititat qanoq ittuunersut, nalunaarsusiami UPA2013 –imut suliassanngortitassami qulaanaaffigineqarnissaat.

Taakku oqaatsit atorlugit Naalakkersuisut innersuussutigaat akuerisassanngorlugu siunnersuut akuerineqassasoq.